



Uunga: Sara Olsvig, Inuit Ataqtigiit  
Inatsisartunut ilaasortaq

### Inatsisit tunngaviusut piareersarlugit suliaqarnissamut tunngatillugu § 37 naapertorlugu apeqqummut nr. 120-imut akissut

13-05-2015  
Sags nr. 2015-114730  
Dok. nr. 1966662

Inatsisartut suleriaasianni § 37 naapertorlugu apeqquqteqaat, Inatsisartunut ilaasortamit Sara Olsvig-imit saqqummiunneqartoq ulloq 29. april 2015 Naalakkersuisut tiguaat. Apeqqutit uannut akineqartussanngorlugit innersuunneqarput, aammalu akissutit matuma kinguliani allassimapput.

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

1. Inatsisartuni 2011-mi ukiaanerani ataatsimiinnermi Inatsisartunut ilaasortaq Inuit Ataqtigiinneersoq Aqqaluaq B. Egede Inatsisit tunngaviusut piareersarlugit suliarineqarnissaat aallarnisarneqalereeqqullugu tunngaviusumik inatsiseqalernissarput siunertaralugu Isumalioqatigiissitamik pilersitsinissaq aalajangiiffissatut siunnersuuteqarpoq. "Kalaallit Nunaannut inatsisit tunngaviusut pillugit isumalioqatigiissitamik pilersitsinissaq pillugu Inatsisartut aalajangiinissaannut tunngaviusussamik nassuiaammik kingusinnerpaamik 2012-ip naanerani Inatsisartunut saqqummiussinissamik Naalakkersuisut peqquneqarput. Nassuiaammik tamatuminnga Inatsisartut oqaluuserinninnerat tunngavigalugu aalajangiiffigisassatut siunnersuummik 2013-imi ukiakkut ataatsimiinnissami suliarineqartussamik saqqummiussinissamut Naalakkersuisut peqqussallugit" Inatsisartunit aalajangiunneqarpoq. Suliaq taanna sumut killippa?

#### Akissut:

2011-imi Inatsisartut ukiaanerani ataatsimiinnerisa nalaanni Aqqaluaq B. Egede, Inuit Ataqtigiinneersoq, Kalaallit Nunaanni inatsit tunngaviusut piareersarlugit suliaqarnerup aallartinnissaa aammalu tunngaviusumik inatsisiliornissamut isumalioqatigiissitaliamik pilersitsisoqarnissaa pillugit aalajangiiffigisassatut siunnersuummik saqqummiussaartoq ilumoorpoq. Ataatsimiinnerup taassuma nalaani Siumut Inatsisartuni ilaasortaaitai tunngaviusumik inatsisissaq pillugu piareersaataasumik isumalioqatigiissitamik pilersitsisoqassasoq siunnersuuteqarput. Siunnersuutit marluusut taakkua ataatsimoortillugit suliarineqarput, aammalu aalajangiisoqarpoq taamanikkut Naalakkersuisuusut tamatum kingorna, Kalaallit Nunaannut tunngaviusumik inatsisiliornissamut isumalioqatigiissitamik pilersitsinissaq pillugu Inatsisartut aalajangiinissaannut tunngavissaliisussamik, Inatsisartunut nassuiaammik saqqummiussissasut. Nassuiaat taanna 2012-ip naanerani naammassereersimasussaasimavoq, taamaalilluni taanna tunngavigalugu 2013-imi ukiaanerani ataatsimiinnermi suliarineqartussamik tunngaviusumik inatsisiliornissamut isumalioqatigiissitamik pilersitsinissaq pillugu aalajangiiffigisassatut siunnersuut saqqummiunneqarsinnaasussaalluni.

Naalackersuisooqatigiit, 2009-2013-imi atuuttut, Inatsisartunut qinersinissap nalunaarutigineqarnissaa sioqqullugu nassuiaammik suliaqarneq naammassinngilaat. Ilisimaneqartut qinersinissaq nalunaarutigineqaraangat, Inatsisartut aalajangiineri tamarmik atorunnaartarput.

Taamaattoq nassuiaatip allallugu suliarineqarnera Naalackersuisooqatigiit tulliisa, piffissami 2013-2014-imi atuuttut, nalaanni ingerlaannassasoq aalajangiisoqarpoq. Kisiannili suliaqarneq qinersinissamik nalunaarutiginnissaaq sioqqullugu naammassineqanngilaq.

Naalackersuisut Kalaallit Nunaannut tunngaviusumik inatsisiliornissamut isumalioqatigiissitamik pilersitsinissaq pillugu nassuiaammik suliaqassanersut, maannakkut Naalackersuisooqatigiit atuuttut aalajangiiffiginngilaat. Taamaattoq Naalackersuisut taamatut iluminni oqaloqatigiissapput aammalu nassuiaammik taamaattumik suliniuteqarniarnerlutik aalajangiissallutik.

2. Inuit Ataqtigiit isumaqarpugut tunngaviusumik inatsisiliornermut suliaqarnissaq pisariaqartoq politikikkullu Nunatta tunngaviusumik qanoq naleqartitaqarnissaanik oqallinnermut aqutissiusseqataasinnaasoq. Naalackersuisut qanoq isumaqarpat?

**Akissut:**

Inatsisit tunngaviusut suliaralugit suliaqarneq aallartinneqassasoq politikikkut aalajangiisoqarsimappat, soorunami Naalackersuisut isumaqarput inatsisit tunngaviusut piareersarlugit suliaqarnissaq pisariaqartoq. Maannakorpiaq taamatut aalajangiisoqarsimanngilaq.

Inatsisinik tunngaviusunik suliaqarnissamik piareersaanermut atatillugu nunatsinni naleqartitat tunngaviusut politikikkut oqallisigineqarnissaat pisariaqassasoq Naalackersuisut isumaqatigaat.

3. Suliaq pineqartoq unitsikkallarneqarsimappat aallartarneqarsimanngippalluunniit Naalackersuisut maannakkut aallartinniarpaat?

**Akissut:**

Apeqqutip 1-ip ataani akissuteqaat takuuk.

4. Saammaasseqatigiinnissamut suliaqarnermi tunngaviusumik inatsisiliornissaq arlaatigut ilaatinneqarpa?

**Akissut:**

Naamik. Saammaateqatigiinnissamut isumalioqatigiissitami suliaqarneq aamma inatsisinik tunngaviusunik suliaqarnissamik piareersaalluni suliaqarneq marluupput immikkoorlutik ingerlanneqartussat, tamarmik immikkut sammisaqartut siunertaqartullu. Saammaateqatigiinnissamut isumalioqatigiissitap sulinera taassuma suliassaasa allattorsimaffiat aallaavigalugu aalajangersagaavoq aammalu taanna aallaavigalugu isumalioqatigiissitap nammineerluni aaqqissuuttussaallugu. Inatsisinik

tunngaviusunik suliaqarnissaq Saamaateqatigiinnissamut  
isumalioqatigiissitap suliaassaasa allattorsimaffianni eqqaaneqanngilaq.

Saamaateqatigiinnissamut isumalioqatigiissitap siunissami nalunaarusiassaa  
aammalu tassanngaaniit inassuteqaatit inatsisinik tunngaviusunik  
suliaqarnissamik piareersaalluni suliaqarnermi atorneqarsinnaassasut  
tunuarsimaarfigineqassanngilaq.

Inussiarnersumik inuulluaqqusiltunga



Kim Kielsen